

السنة التحضيرية (المسار العلمي الموحد)

في جامعة طيبة.

أهلاً بالساعين خلف أحلامهم بكلٍ شغفٍ وحبٍ.

اهلاً بدفعة ٢٠٢٠ الدفعة العظيمة ..

أنا أميرة الحربي الحمد لله أنهيت السنة التحضيرية و الآن طالبة
طب و جراحة ...

كنت العام الماضي بنفس مكانكم وبنفس شعوركم يغلبني الخوف
والقلق والحماس والمسؤولية اتجاه هذه السنة .


فحببت انقل لكم التجربة البسيطة لعلها تساعدكم في طريقكم ولو
قليل .

(وقبل كل حاجة هذي تجربتي الشخصية وكل شخص له تجربته
الخاصة به والظروف مختلفة من شخص لشخص فعيشوا تجربتكم
الخاصة و تعلموا من تجارب الغير وتجنبوا اخطائهم)

السنة التحضيرية سنة من أهم السنين تمهدك وتساعدك على انك تتعود وتتأقلم على نظام الجامعة وتطور من خلالها لغتك الانجليزية و بعدها راح يتحدد تخصصك بناء على التسكين اللي جبته (٧٠% من السنة التحضيرية و ٣٠% من موزونتك الثلاثية) في:

(التخصصات الصحية – العلوم – الحاسب – الهندسة)

لمن تتقبلوا بإذن الله راح ينزل لكم الجدول و تكونوا مقسمين خطتين كالآتي :



يعني بكذا راح يكون عندكم ٥ مواد بكل ترم والترم الثاني راح
تصيرون العكس وتتبادلون المواد .

• **الانجليزي:** راح يكون عليه ٤ وحدات

وهي أهم مادة في السنة التحضيرية

• **المواد العلمية:** راح يكون عليها ٣ وحدات

• **المواد العامة:** راح يكون عليها وحدتين

يعني عندكم بكل مادة ١٠٠ درجة.. لو نقصتوا بمادة ٥ درجات ما حيضر لانكم حتكونوا (+A)، يعني لو جبت بالمادة ٩٩ او ٩٨ او ٩٧ او ٩٦ او ٩٥ ما يآثر بمعدلك ابداً وفي درجة حرجة وهي لو جبت بالمادة ٩٩ تصير لك ١٠٠ أو ٩٤ تصير ٩٥ .. لكن لمن تبدأ تنقص عن ٩٥ راح تنقص بالمعدل حسب عدد وحدات المادة اللي ذكرتها فوق .

الاختبارات في السنة التحضيرية

راح يكون كله محوسب (على الجهاز) والتصحيح الالكتروني

عدا اختبار ال Writing راح يكون على ورق ، و اختبار ال Speaking راح يكون في دكتورين يسألوك وانت تجاوب.

الغياب في السنة التحضيرية

المادة	الغياب المسموح
الانجليزي	٢٩ و ال ٣٠ حرمان
الرياضيات	١٠ و ال ١١ حرمان
الكيمياء- الفيزياء- الاحياء	٧ و ال ٨ حرمان
المهارات - العربي- الاسلامي الحاسب	٣ و ال ٤ حرمان

حاولوا توفرُوا غياباتكم للميد الثاني والفاينل والظروف الطارئة.

الخطة جميلة وممتعة حقيقي تحتاج جهد وطاقة أكثر من الخطة ب
(برأيي) ، لأنها تحتاج تركيز وفهم أكثر.

كل المواد فيها بالانجليزي عدا العربي والاسلامي

راح نبدأ بمادة مادة :

الرياضيات

المادة مواضيعها سهلة والكتاب بسيط وابطس من الثانوي من رأي
افهموها كويسس ومن قلب .. للامانة مستوى الاختبار أعلى من
مستوى الكتاب ، حاولوا تشوفوا شروحات للدروس (سواء
باليوتيوب أو تدخلوا عند خصوصي) و تستخدموا الحاسبة لان
الاختبار يتحل بالحاسبة خصوصاً الميد الاول والفينل .

توزيع الدرجات من ١٠٠ كالاتي:

<p>٢٥ درجة ميد ثاني</p> <p>٢٥ مقدور عليها لو ركزتوا ودرستوا كويس الميد الثاني يحتاج منكم تركيز ودروسه تلخبط فدرسوه كويس وبفهم مستوى الاختبار مو صعب بس يحتاج تركيز تركيز دخل معانا (باقي الفصل الثاني و الفصل الثالث و الرابع واول درس من الخامس)</p>	<p>٢٥ درجة ميد أول</p> <p>الميد الاول الكل يقدر يجيب ٢٥ سهل ويتحل بالحاسبة والتجريب دخل معانا (الفصل الاول كامل ٦ دروس + درسين من الفصل الثاني.) وممكن ع وقتكم تقل الدروس او تزيد</p>
<p>١٠ درجات بيد الدكتورة</p> <p>حسب كل دكتورة وكيف توزيعها في بعضهم يحطوها ع كويز وبعضهم ع المشاركة والتفاعل وانتبهوا لدي النقطة البعض يحطها ع الغياب</p>	<p>٤٠ درجة فاينل</p> <p>ال ٤٠ الكل يقدر عليها الفينل اسسسسهل من كل الاختبارات كان حقيقي جمممميل و بسيط و ينحل بالحاسبة و دخل معانا الكتاب كامل ٧ فصول بس بعض الدروس تكون محذوف منها</p>

كل اختبار بقدر ما تعطيه يعطيك ... لا يعني ان قلت الكل يقدر يجيب ال ٢٥ يعني ما
نذاكر كويس أو نستهيين فيه!! لكن عشان ما تنقصوا في الاختبارات السهلة ولمن يجي
الاصعب تكون درجاتكم طارت باللي اساساً ما كان يستاهل تنقصوا فيه !

مصادر المذاكرة :

- ١/ الكتاب (وهو المصدر الاساسي) والجدول والقوانين اللي مكتوبه احياناً تجي نصاً .
- ٢/ التجميعات مهمة مهمة حاولوا قبل الاختبار بيومين تجلسوا تحلوا فيها .
- ٣/ في رفيجن من الجامعة لمن يقرب الاختبار ترسلو لكم الدكتوراة يديكم فكرة كيف ممكن يجي الاختبار الا اني احس مستوى بعض الاسئلة اصعب من الاختبار .
- ٤/ التسريبات اللي يختبروا قبلكم مهمة مهمة مهمة.
- ٥/ لو ما فهمتوا كويس مع الدكتوراة ترا في خصوصين كويسين ادخلوا معاهم واليوتيوب مليبيان شروحات اكتبوا اسم الجزئية وافهموا معاهم .
- ٦/ كل درس لو اسمنت ما احس انو يجي منو في الرياضيات لكن اذا حابين تحلوه وعندكم وقت حلوه اما لو مو حابين اسحبوا عليه .

باختصار المصادر المهمة تذاكروها (الكتاب + التجميعات + الريفجن + التسريبات)

الكيمياء

كانت امتع مادة عندي في خطة أ ولا كنت أمل من مذاكرتها لاني احبها (: ، المادة فيها ٧ شباتر كل شباتر تختلف فكرته وكمية المعلومات يعني في شباتر تحتاج حفظ أكثر و في شباتر تحتاج فهم أكثر .. والمادة بكيها بسيطة وتحتاج تركيز ومذاكرة كويس . ولو ما فهمتوا نقطة من الدكتوراة ترا اليوتيوب مليان شروحات و شروحات د.محمد بن باليوتيوب جميلة. وبرضو تقدرنا تأخذوا خصوصي لو حابين .

توزيع الدرجات من ١٠٠ كالاتي:

٢٥ درجة ميد ثاني

٢٥ مقدور عليها لو ركزتوا ودرستوا كويس
الميد الثاني يحتاج منكم تركيز اغلب الاختبار
عبارة عن تسمية مركبات و روابط تساهمية و
فلزية و معادلات ووزنها فحقيقي يحتاج تركيز لأن
المواضيع متشابهه بالاختبار وتمرنوا ع
التجميعات عشان تثبتوا الفكرة
دخل معنا (توبيك ٧ من الشابتير الثاني و دخل
الشابتير الثالث والرابع)

٢٥ درجة ميد اول

الميد الاول الكل يقدر يجيب ٢٥
دخل معنا الشابتير الاول والثاني عدا توبيك ٧ من
الشابتير الثاني.
الشابتيرين مررنا سهلين و بسيطين و فيها الحفظ
اكثر من الفهم .
الاختبار جميل كان والله ومقدور عليه .

١٠ درجات بيد الدكتوراة	٤٠ درجة فاينل
<p>نفس ما قلت فوق حسب كل دكتوراة وكيف توزيعها في بعضهم يحطوها ع كويز وبعضهم ع المشاركة والتفاعل وانتبهوا لنقطة البعض يحطها ع الغياب</p>	<p>ال ٤٠ الكل يقدر عليها الفاينل تقريباً كان اسهل من الميد الثاني من وجهة نظري برضو يحتاج تركيز وفهم دخل معنا (شابتر ٣ و ٤ و ٥ و ٧) كان ٦ محذوف و الشابترين الي بالميد الاول ما دخلت معنا .</p>

مصادر المذاكرة :

١/ الشباتر (وهي المصدر الاساسي) لا احد يقول لكم كتاب وما كتاب والله ما فتحتوا والاختبار افكاره ما تخرج عن الشباتر حتى لو قالوا لكم الدكاترة ادرسوا الكتاب لانهم كانوا يقولوا لنا لكن ما كان يحتاج .

٢/ التجميعات مهمة مهمة مهمة حاولوا قبل الاختبار بيوم او يومين تجلسوا تحلوا فيها .

٣/ في ريفجن من الجامعة لمن يقرب الاختبار ترسلو لكم الدكتوراة يديكم فكرة كيف ممكن يجي الاختبار وكان يجي منو

٤/ التسريبات اللي يختبروا قبلكم مهمة مهمة مهمة.

٥/ لو ما فهمتوا كويس مع الدكتوراة ترا في خصوصين كويسين ادخلوا معاهم واليوتيوب ملييان شروحات اكتبوا اسم الجزئية وافهموا معاهم .

٦/ كل توبيك لو اسمنت ما احس انو يجي منو في الكيمياء كمان لكن اذا حابين تحلوه وعندكم وقت حلوه اما لو مو حابين اسحبوا عليه ولا تضيعوا وقت عليه.

باختصار مصادر المذاكرة (الشابتر + التجميعات + الريفجن + التسريبات)

الاسلامي

المادة هذي كانت بالنسبة لي دسمة والحفظ والكلام كثير والتعداد كثير و الخ فكنت اخخخاف من هذي المادة لكن سهلة والله وحاجات معروفة لكن اول فصلين شوي كانوا متعبين لانو فيها تواريخ وعلماء وغزوات واديان والخ... لكن حقيقة اختباراتها عسل * عسل وسهلة وواضحة وحرام تضيعوا الدرجات فيها لانها بسيطة.

توزيع الدرجات من ١٠٠ كالاتي:

العربي

الطف وأسهل وأخف واكبت مادة تمر عليكم بالتحضير لو كان مشرفها ع حظكم (الهنادوه). المادة اللي كنت اخذ اسبوعها اجازة (بسسس اكيد اذاكرها واديهها حقها (:) المادة سهله جداً وكمان الاختبار الاجابة تقولك (انا الاجابة اختارني) من كثر ما الاختيارات متباعدة .

توزيع الدرجات من ١٠٠ كالاتي:

٢٥ درجة ميد ثاني الميد الثاني الككككككل يقدر برضو يجيب ٢٥ وسهل وبسيط . وحقيقة ناسية برضو الاختبار كان لفين بس برضو اللي دخل معاكم ميد ثاني ما يدخل معاكم فاينل	٢٥ درجة ميد اول الكل يقدر يجيب ال ٢٥ وهو مغمض (بس مو يعني ذلك مو تذاكرون لانو اكيد يحتاج مذاكرة (:) الاختبار ناسية حقيقة كان من فين لفين (:) بس اللي دخل معنا الميد الاول ما دخل فاينل التجميعات والفهم مهمين مهمين ..
١٠ درجات بيد الدكتوراة نفس ما قلت فوق حسب كل دكتوراة وكيف توزيعها في بعضهم يحطوها ع كويز وبعضهم ع المشاركة والتفاعل وبعضهم يطلبوا انشطة أو شرح او بحث والخ	٤٠ درجة فاينل ال ٤٠ الكل يقدر عليها الفاينل كمان كان سههل وبسيط واغلبو كان يحتاج حفظ .

مصادر المذاكرة :

١/ ملخصات الهنادوة يديها طلابو قبل الاختبار والطلاب يرسلوها لكم بالقروبات او يحطوها
بمكتبة وانتو تأخذوها . معاها ال ١٠٠ سؤال مهمة

٢/ التجميعات مهمة مهمة مهمة .

٣/ التسريبات اللي يختبروا قبلكم مهمة مهمة مهمة .

٤/ ركزوا ع ملخصات الهنادوة وال ١٠٠ سؤال ولا تفكروا تفتحوا الكتاب لاني فتحو الميد الاول
وندمت (: .. ولا يعني قلنا لكم انها مادة سهلة تستهينوا فيها وما تذاكروها ادوها حقها وافهموها
واحفظوها كويس . (اللي يحتاج فهم افهموه واللي يحتاج حفظ احفظوه)

وقواعد العربي في كثير باليوتيوب يشرحوها عشان تحلوا بفهم

٥/ برضو بالعربي كنت استطلع ع التجميعات بشكل سريع قبل لأبدأ اذاكر عشان اخذ فكرة عن
طريقة الاسئلة وع ايش اركز

باختصار المصادر المهمة تذاكروها (ملخصات الهنادوة + ١٠٠ سؤال + التجميعات +
التسريبات)

١٠ درجات بيد الدكتوراة	٤٠ درجة فاينل
<p>نفس ما قلت فوق حسب كل دكتوراة وكيف توزيعها في بعضهم يحطوها ع كويز وبعضهم ع المشاركة والتفاعل وبعضهم يطلبوا انشطة أو بحث والخ</p>	<p>برضو ما اقدر احكم لانو بسبب كورونا كان Open book لكن بشكل عام كان سهل وجميل بالنسبة لي .. (دخل معانا ٨ و ٩ ١٠) تجميعاتهم كانت اسهل من الميد الثاني قبل كورونا كان يدخل كل الشباتر عدا شباتر الميد الاول</p>

مصادر المذاكرة :

١/ الشباتر (لكن الشباتر فيها نقص كثير)لذلك في ملخصات حلوة و ملاحظات طالبات نبيلة
كمان .

٢/ التجميعات مهمة مهمة مهمة .

٣/التسريبات اللي يختبروا قبلكم مهمة مهمة مهمة.

٤/الاسمنت بالاحياء يجي منو فادرسوه

٥/ برضو بالاحياء كنت استطلع ع التجميعات بشكل سريع قبل لأبدأ اذاكر عشان اخذ فكرة عن
طريقة الاسئلة وع ايش اركز.

٦/ لا تعتمدوا بمادة الاحياء ع الحفظ بسس افهموا و شوفوا شروحات لو ما فهمتوا المهم تفهموا
ثم تحفظووا ...

**باختصار المصادر المهمة تذاكروها (شباتر + الملخصات + الاسمنت + التجميعات +
التسريبات)**

الفيزياء

المادة ايسط من الثانوووي بكثيررر .. سهلة و بسيطة و برضو محتاجة تركيز و
فهم كويسين ، يعني تدي المادة حقها تجيب الكامل بالراحة (: .. تحتاج كثرة تمارين
نفس الكيمياء والرياضيات حاولوا تحلوا التجميعات وتأخذوا كافة الافكار
بالتجميعات .

توزيع الدرجات من ١٠٠ كالاتي:

<p>٢٥ درجة ميد ثاني</p> <p>الميد الثاني ما اقدر احكم عليه لاننا ما اختبرناه بالجامعة بس اختبرنا زي لو كنا بالجامعة كان من المشرف و نفس الجزئية (الشابتر الثاني دخل من التسارع الى اخره و البارت الاول بالشابتر الثالث) حقيقي كان سههل والله بس يحتاج تركيز سقوط حر و قوانين و معادلات الحركة والخ(كلها اخذتها بالثانوي) وكان تكرار تجميعات والله سهل فحرام تضيعوا ال ٢٥</p>	<p>٢٥ درجة ميد اول</p> <p>الكل يقدر يجيب ال ٢٥ اختبرناه بالجامعة وكان الاختبار لطيف بشكل ما يتصور كان حقيقي جميل تكرار تجميعات و تسريبات ولكن يحتاج تركيز .) فحرام تضيعوا ال ٢٥ بدا الاختبار . دخل معنا (اول شابتر واول بارت بالشابتر الثاني اعتقد لين التسارع .) حتشوفوا وانتو تدرسوها انها خفيفة (هذا رأيي غيري حيقول كان صعب لاني سمعتها كثير عن المادة) :..بس عندي ايمان انو أي مادة تديها حقها بتجملللهها)</p>
<p>١٠ درجات بيد الدكتوراة</p> <p>نفس ما قلت فوق حسب كل دكتوراة وكيف توزيعها في بعضهم يحطوها ع كويز وبعضهم ع المشاركة والتفاعل وبعضهم يطلبوا أنشطة أو بحث وبعضهم ع الغياب والخ (كانت دكتورتي لو استخدمتي الجوال بوقت المحاضرة تحطك غياب فانتبهوا)</p>	<p>٤٠ درجة فاينل</p> <p>برضو ما اقدر احكم لانو بسبب كورونا كان Open book لكن صدمنا المشرف اسئلة كانت متعمقة نوعاً ما وتحتاج تركيز وكذا خطوة (بس لو انتو ما كان عندكم open book صدقوني بيكوون سهل وما راح يتعمقوا و يطولوا الحل زينا) دخل معنا شابتر ٣ و ٤ و ٥ و ٦ والله عسلين بس انا ما احب شابتر ٥ لانو عن المرايات والانعكاس والخ) :..</p>

مصادر المذاكرة :

- ١/ الشباتر (المصدر الاساسي) ولا تسمعوا كلام اللي يقولوا ادرسوا الكتب
- ٢/ التجميعات مهمة مهمة مهمة .
- ٣/التسريبات اللي يختبروا قبلكم مهمة مهمة مهمة.
- ٤/في بنك الجبالي جميل ويجي منو حيرسلوه لكم الدكاتره قبل الاختبار
- ٤/ برضو بالفيزياء كنت استطلع ع التجميعات بشكل سريع قبل لأبدأ اذاكر عشان اخذ فكرة عن طريقة الاسئلة وع ايش اركز.
- ٥/أي حاجة ما فهمتوها لا تتجاوزوها (ارجعوا لليوتيوب) او خذوا عند خصوصيين وفي بالفيز خصوصيين ممتازين .

باختصار المصادر المهمة تذاكروها (شباتر + بنك الجبالي + التجميعات + التسريبات)

المهارات

المادة دسمة وغثيئة): وحقيقة ما حبيتها .. تحتاج لفهم و حفظ بنفس الوقت ..
لا تهملوها ادرسوا كل حاجة بفهم وحفظ. لكن اختباراتها كانت عسل * عسل
الحمد لله وتكرار تجميعات .. (مع الجائحة اختلف التوزيع للدرجات) لكن حتكم
بشكل عام

توزيع الدرجات من ١٠٠ كالآتي:

<p>٤٠ الفاينل اختبرناه open book المفترض يكون داخل معانا كل الشباتر لكن دخل معانا شابتير ٣ و ٤ و ٥ و ٦ حقيقي في جزينات تحتاج فهم و تحتاج حفظ وتركيز كان الاختبار عسل وسهل الحمد لله</p>	<p>٣٠ درجة ميد (مافي الاميد واحد) سهل ويحتاج فهم (لبعض الجزنيات) زي المصفوفات و اشياء ثانيه . وحفظ لا تهمشوا أي سطر ادرسوه بتركيز . أي خلاف او سؤال غير منطقي (ارجعوا للمشرف + ارجعوا للمشرف + ارجعوا للمشرف) الاختبار كان تجميعات وسهل الحمد لله دخل معانا شابتير (١ و ٢ و ٧)</p>
<p>٣٠ درجة ٢٠ سيكون مشروع (راح تختاروا موضوع وتعملوا عليه اشياء سواء تطوع او توعية الخ .. لا تشيلوا هم لانو سيكون بسيط وراح تقول لكم دكتوركم ايش تبغا بالزبط).... ١٠ بيد الدكتور (كان ٥ درجات ع الواجبات و ٥ ع الشرح)</p>	

مصادر المذاكرة :

١/الكتاب (هو المصدر الاساسي) + في ملخص اسطوووري ملخص اهم الافكار مع هاي لايت
ع الافكار اللي جات بالتجميعات.

٢/ التجميعات مهمة مهمة مهمة .

٣/التسريبات اللي يختبروا قبلكم مهمة مهمة مهمة.

٤/ برضو بالمهارات كنت استطلع ع التجميعات بشكل سريع قبل لأبدأ اذاكر عشان اخذ فكرة
عن طريقة الاسئلة وع ايش اركز.

باختصار المصادر المهمة تذاكروها (الكتاب + التجميعات + التسريبات)

الحاسب

الحاسب وما ادراك ما الحاسب): اللي جالسة اكتبو (هو تجربتي مو شرط تمروا نفس اللي مريت فيلو XD).. كانت كريهة دسمة مذاكرتها متعبة): بس غيري حيقول لكم سهله .. لكن حظوا ببالكم (لمن تدرس المادة وتديها حقها مهما اتعبتكم ومع تركيز باذن الله ما تنقص).

توزيع الدرجات من ١٠٠ كالاتي:

<p>٢٥ درجة ميد ثاني</p> <p>الميد الثاني ما اقدر احكم عليه لاننا ما اختبرناه بالجامعة ولا كان في اصلا عندنا ميد ثاني بسبب كورونا .</p>	<p>٢٥ درجة ميد اول</p> <p>الكل يقدر يجيب ال ٢٥ اختبرناه بالجامعة وكان الاختبار نوعًا ما كويس كلنا خفنا حقيقي من الاختبار لانو الجزئية كانت متعبة بالحفظ وبنفس الوقت الاختبار كان يبغالو تركيز (دخل معنا اول وحدة كانت سهله الوحدة وبسيطة ،ودخل معنا ويندوز كان هو الثقيل نوعا ما بس ادرسوه كويس) كان ٥ عملي (لا تخافوا سهل تدريبوا عليه قبل الاختبار وتتكرر من الاختبار التجريبي لا تدخلوا الا وانتوا متدربين عليه) و ٢٠ نظري</p>
<p>١٠ درجات</p> <p>٥ راح يكون حل اون لاين ع موقع ايرا فلازم تشتروا الكتاب عشان الكود . ٥ راح تعملوا عرض بوربوينت مرا ايزي</p>	<p>٤٠ درجة فاينل</p> <p>برضو ما اقدر احكم لانو بسبب كورونا كان Open book لكن كان اغلبو تجميعات و كان معنا الورد والبوربوينت حقيقي سهلين الوحدتين دول اذا درست وحده بيسهل عليك الثاني لانهم متشابهين</p>

مصادر المذاكرة :

١/الكتاب (هو المصدر الاساسي) + في ملخص اسطوووري ملخص اهم الافكار

٢/ التجميعات مهمة مهمة مهمة .

٣/التسريبات للي يختبروا قبلكم مهمة مهمة مهمة.

٤/ برضو بالحاسب كنت استطلع ع التجميعات بشكل سريع قبل لأبدأ اذاكر عشان اخذ فكرة عن طريقة الاسئلة وع ايش اركز.

باختصار المصادر المهمة تذاكروها (كتاب+التجميعات + التسريبات)

الانجليزي

وهي **أهم** مادة بالتحضير عليها ٤ وحدات ،المادة من أسهل وأطف المواد حقيقة وصدقوني حثوفوا بعيونكم قد كيف بسيطة ..

راح تدرسوا ثلاث مستويات (**الكتاب البرتقالي المستوى ١** ، **الكتاب الازرق المستوى ٢** ، **الكتاب الاخضر المستوى ٣**)

كل مستوى كتابين (Reading and Writing كتاب) و (كتاب Listening and Speaking)

الكتاب البرتقالي: بسيط وأغلب المصطلحات تعرفوها .والقواعد اغلبها تكرر فلا تأكلوا هم .

الكتاب الازرق: برضو بسيط و نفس مستوى البرتقالي وكلمات شوي جديدة بس القطع اللي بالكتاب تصير أطول (واصلا ما تجي نفسها الاختبار)

الكتاب الاخضر: ما اقدر احكم عليه لان ما كنت احضر المحاضرات حقت الانقلش ، ولا اختبرنا فيه يعني ما فتحته باختصار (: بس متأكدة انو حيسهل عليكم لانو لغتكم تكون تطورت.

توزيع الدرجات من ١٠٠ كالآتي:

٣٥ درجة ميد (ميد واحد في الترم فقط) عليه ٤٠ سؤال.

٤٠ درجة فاينل و عليه ٤٠ سؤال .

١٠ درجات Speaking (السبيكنق الأول عليه ٥ ... السبيكنق الثاني عليه ٥)

٥ درجات على الملف (حيكون فيه ال writing) اللي حتكتبوه وتصححه الدكتورة.

٥ درجات على اختبار ال Writing حتختبروه في نهاية السنة .

٥ درجات على الاون لاين (راح يكون مع الكتاب كود وتدخلوا وتحطوه)

هل التحضيري صعب ؟

أنت تحكم على الاجابة (لمن تدرس وتتعب ع حالك وتجتهد اكيد ببيكون سهل
اما تهمل ولا تذاكر حتشوفو صعب .) السنة جميلة و بسيطة بنظرتي وكانت اجمل
سنة مرريت فيها وتعرفت ع ناس تجنن والدكاترة متعاونين . اختصر التحضيري بذا
السطر (بقدر ما حتعطيهما تعطيك) .. نظموا وقتكم وذا اهمممم شيء بالتحضيري.

هل اللغة الانجليزية عائق ؟

لا مو عائق هي وسيلة مساعدة وحتسهل عليك طبعًا بس هل هي عائق لا لا لا
(ما في شيء عائق لك بهالسنة او أي سنة الا تفكيرك لمن تزرع فيه اليأس
والاحباط.) بس اكيد لازم يكون عندك الكلمات الاساسية عشان تقدر تفهم وتمشي
بالمواد.

هل اجلس اذاكر المواد بالاجازة ؟

لا طبعًا وألف لا .. لا تذاكروا حاجة لا تفتحوا الكتب والشباتر ما حتستفيدوا
صدقوني كل حاجة حتدرسوها بوقتها فاستمتعوا باجازتكم ولا تشيلوا هم لان الهم
ملحقين عليه ولا تضغطوا ع حالكم لانو حيجيكم الضغط اللي يكرهكم بنفسكم .

(((((فقط ونصيحة استغلوا الاجازة بتطوير لغتكم واستمتعوا .)))

نصائح :

١/ **توكلوا على الله** دائمًا وابدًا واتأكدوا مهما استصعبتوا الحاجة ومهما كانت
عائق بطريقكم الله قادر يسهلها ادعوه كثير وفي دعوة دائم ادعيها (يارب ارزقني
باجمل فترة واسهل نموذج يارب دلني على كل حاجة راح تجيني)

٢/ **لا تسمعوا للمحيطين** لان هالسنة تنافسية فبعضهم راح يحاول يحبطك
ويزرع فيك الشك بنفسك وبقدراتك لا تسمع لهم (اتبع فقط رغباتك وطموحك)

٣/ **نظموا وقتكم** .. لا تأجلوا المذاكرة و بعدين تنضغطوا و ما تعرفوا من فين
تبدأوا او حتى كيف تدرسوا .. ذاكروا بفهم ثم بحفظ .

٤/ **تعاونوا** واخلوا المساعدة للغير مبدأكم (يب سنة تنافسية) بس ما أحد راح يأخذ رزق أحد ولا تحسدوا بعض ولا تتكبروا على اللي اقل منكم مستوى باللغة او بالفهم بالعكس ساعدوهم وكونوا معاهم . (لا تحسد اللي اعلى منك مستوى حاول تصير زيه ولا تستحقر اللي اقل منك مستوى بالعكس ساعده يكون مثلك عشان الله يوفقك)

٥/ القروبات بالتحضيرى **انتبهوا تشغلكم** انتبهوا انتبهوا تساعدوا وتعاونوا بس لا تخلوها كل وقتكم ابعدوا عن الكلام الكثير بالقروبات لانو مضيعة وقت وابتعدوا عن الجوال وقت المذاكرة .

٦/ اذا ما فهمتوا حاجة **لا تتجاوزوها** ولا تقولوا انا ما احب المادة هذي وصعبة وكريهه والخ لان ذا ما حيغير شيء اللي يغير هو انك تقوم و تدرس لو المادة صعبة عليك اليوتيوب مليون و الدكاترة مو مقصرين و في خصوصين كثنثثار شطار فلا تحرم نفسك التميز بهذي السنة المصيرية بسبب اخلاق الاعذار .

٧/ **اذا غلظتوا** بأول اختبار أو بأي اختبار لا تستسلموا ولا تبكوا ولا تندموا ولا تتحبطوا طبيعي كلنا غلظنا بس ما نقصنا عن ال A+ وذا المهم .

٨/ لا تنسوا بر الوالدين والدعاء والصلاة و الصدقة والاحسان لكل رُفقاءكم بالدرب عشان يخفف عليكم ويسهل عليكم **(اخلصوا لله بنيتكم وحتشوفوا التوفيق قدامكم)**

٧/ وبالاخير **اجعلوا احلامكم كحمام الحرم يحرم قتلها** .. هي سنة بقدم ما تعطيتها تعطيك

اعرف اني طولت عليكم بس حبيت انقل لكم تجربتي بالتفصيل الممل ارجع اعيد واكرر هذي تجربتي الخاصة وانتو عيشوا تجربتكم الخاصة وتعلموا من اغلاطكم وافرحوا بنجاحتكم حتى لو بسيطة

وتذكروا (كل نجاح عظيم يبدأ من داخلكم)

اذا عندكم أي سؤال استقبله بكل حُب

تقدروا تتواصلوا معي ع حسابي بتويتر

@Mema_12asr